

HENTIAN SEBELAH PEDAS LINGGI (ARAH UTARA) BAKAL BERWAJAH BARU UNTUK BERI LEBIH KESELESAAN KEPADA PENGGUNA

Ditutup kira-kira 18 bulan mulai 1 Mac 2026 untuk kerja-kerja naik taraf

Seremban, 27 Februari 2026:- PLUS Malaysia Berhad (PLUS) ingin memaklumkan bahawa Hentian Sebelah Pedas Linggi (Arah Utara) di KM225.5 di Lebuhraya Utara-Selatan bakal berwajah baru untuk beri lebih keselesaan kepada pengguna Lebuhraya PLUS. Kawasan rehat ini akan menjalani kerja-kerja naik taraf dengan mengadaptasi rekabentuk bangunan yang lebih segar dengan ciri-ciri hijau.

Sehubungan itu, hentian sebelah ini akan ditutup bagi menjalankan kerja-kerja menaik taraf mulai 1 Mac 2026. Kerja-kerja naik taraf ini akan mengambil masa kira-kira 18 bulan dan dijangka siap pada penghujung tahun 2027.

Sepanjang tempoh kerja naik taraf ini dijalankan, PLUS turut menyediakan kemudahan sementara seperti tandas dan surau. Selain itu, pengguna lebuhraya juga boleh menggunakan kemudahan surau dan tandas di mana-mana plaza tol yang terdekat.

Sebagai alternatif, pengguna lebuhraya yang menuju ke utara boleh menggunakan Restoran Jejantas Ayer Keroh (Arah Utara), Hentian Sebelah Senawang (Arah Utara), R&R Seremban (Arah Utara) atau mana-mana R&R dan hentian sebelah yang berdekatan untuk mendapatkan rehat dan keperluan lain dengan lebih selesa.

Pengguna lebuhraya disarankan supaya merancang perjalanan mereka sepanjang tempoh tersebut. Mereka juga dinasihatkan supaya mematuhi semua papan tanda trafik serta arahan yang dikeluarkan oleh petugas PLUS ketika melalui kawasan terbabit.

Pengguna lebuhraya juga boleh mendapatkan maklumat trafik terkini menerusi Aplikasi PLUS, Pembantu Maya - PUTRI, Aplikasi X@plustrafik atau Paparan Mesej Elektronik (VMS) di lokasi-lokasi terpilih. Orang ramai juga boleh menghubungi talian PLUSLine di 1800-88-0000 sekiranya ingin mendapatkan bantuan apabila berlaku kecemasan.

-TAMAT-

PERTANYAAN MEDIA:

Mashitah Mohd Arshad Pemangku Ketua Komunikasi Korporat PLUS Malaysia Berhad Telefon Bimbit: 013-2097092 Emel: mashitah@plus.com.my	Rofina Adam Pengurus Komunikasi Korporat PLUS Malaysia Berhad Telefon Bimbit: 012-657 4452 Emel: rofina@plus.com.my
---	---